

衣服至於寢門外。問內豎之御者曰：今日安否何如？內豎曰：安。文王乃喜。及日中又至，亦如之。及莫又至，亦如之。其有不安節，則內豎以告文王。文王色憂，行不能正履。王季復膳，然後亦復初。食上必在視寒煖之節。食下問所膳，命膳宰曰：未有原，應曰諾，然後退。

朝音潮。豎，仁，庾切。莫，與暮同。應，去聲。○內豎，內庭之小臣。御，是直日者。世子朝，父母。惟朝夕二禮。今文王日三。聖人有過人之行也。不安節，謂有疾不能循起居飲食之常時也。食上，進膳也。在，察也。食下，食畢而徹也。問所膳，問所食多寡。末，猶勿也。原，再也。謂所食之餘，不可再進也。朝夕之朝，如字。行，胡孟切。

文王有疾，武王不說冠帶而養。文王一飯，亦一飯。文

王再飯，亦再飯。說音脫。養，去聲。飯，上聲。

內則曰：父母有過，下氣怡色，柔聲以諫。諫若不入，起敬

起孝。子事父母，有隱無犯。起，猶更也。

父母怒，不悅而撻之，流血不敢疾怨。起敬起孝。

曾子曰：孝子之養老也，樂其心，不違其志，樂其耳目，安

其寢處，以其飲食忠養之。養，去聲。樂，音洛。處，上聲。○樂其心，喻父母於道也。不

違其志，能養志也。

父母之所愛，亦愛之；父母之所敬，亦敬之。至於犬馬

盡然而况於人乎。並內則

孔子曰：仁人之事親也如事天，事天如事親，親如事

致其尊而不褻也。事天如事親者，所以求其格而不欲其踈也。表公問篇○表先結切

王藻曰父命呼唯而不諾手執業則投之食在口則吐之走而不趨親老出不易方復不過時親瘠色容不

盛此孝子之疏節也

唯上聲瘠才詣切○唯諾皆應辭唯速而恭諾緩而慢易方則

恐召己而莫知所在過時則恐失期而貽親之憂瘠病也疏節謂常行疏畧之禮而已應去聲

祭義曰先王之孝也色不忘乎目聲不絕乎耳心志嗜

欲不忘乎心致愛則存致慤則著著存不忘乎心夫

安得不敬乎

慤乞約切夫音扶○致愛極其愛親之心也致慤極其敬親之誠也存以三者

不忘也

孝子之有深愛者必有和氣有和氣者必有愉色有

愉色者必有婉容

婉委遠切

曾子曰孝有三。大孝尊親。其次弗辱。其下能養。

養去聲

身也者。父母之遺體也。行父母之遺體。敢不敬乎。

夫孝。置之而塞乎天地。溥之而橫乎四海。施諸後世

而無朝夕。推而放諸東海而準。推而放諸西海而準。

推而放諸南海而準。推而放諸北海而準。

夫音扶塞悉則切溥

傍午切放甫兩切○置者直而立之溥者敷而散之施言其出無窮推言其進不已放與放乎四海之放

同準言人以為準也所謂無所不通也

孝有三。小孝用力。中孝用勞。大孝不匱。思慈愛忘勞。

可謂用力矣。尊仁安義。可謂用勞矣。博施備物。可謂

不匱矣。

匱具位切施去聲○庶人思父母之慈愛而忘己躬耕之勞。可謂用力矣。此亦能養之事。

小孝也。諸侯大夫士尊重於仁。安行於義。功勞足以及物。可謂用勞矣。此弗辱之事。中孝也。匱乏也。博施謂德教加於百姓。刑於四海。備物。謂四海之內各以其職來助祭。可謂不匱矣。此天子大孝尊親之事也。

父母愛之喜而不忘。父母惡之懼而無怨。父母有過

諫而不逆。惡去聲

孔子曰。父母全而生之。子全而歸之。可謂孝矣。不虧其

體。不辱其身。可謂全矣。並祭義

善則稱親。過則稱己。則民作孝。

小人皆能養其親。君子不敬。何以辨。養去聲。辨。別也。別必列切。

父母在不敢有其身。不敢私其財。

父母存。饋獻不及車馬。並坊記

大戴禮孔子曰。身也者。親之枝也。敢不敬與。不能敬其身。

是傷其親。傷其親是傷其本。傷其本。枝從而亡。哀公問於

孔子篇與平聲

曾子曰。孝子之事親也。居易以俟命。不興險行以徵幸。

曾子本孝篇。易以鼓切。行胡孟切。徵堅堯切。

樂正子春曰。一舉足不敢忘父母。故道而不徑。舟而不

游。不敢以先父母之遺體行殆也。一出言不敢忘父

母。故惡言不出於口。忿言不及於已。然後不辱其身。

不憂其親。則可謂孝矣。草木以時代焉。禽獸以時殺

焉。夫子曰：伐一木，殺一獸，不以其時，非孝也。大孝

單居問於曾子曰：父母之行，若中道則從，若不中道則

諫，諫而不用，行之如由己，從而諫，非孝也。諫而不

從，亦非孝也。孝子之諫，達善而不敢爭辨。中，去聲。○

已。且俯從所行而思諫道也。不敢爭辨。必下氣怡色柔聲以諫也。

父母所憂憂之，父母所樂樂之。並曾子事父母篇。○樂音洛。

孝經子曰：夫孝，德之本，教之所由生。夫音扶。○人之備德必始於孝，而後仁義

馬生

身體髮膚受之父母，不敢毀傷，孝之始也。立身行道，

揚名於後世，以顯父母，孝之終也。身體言其大，髮膚言其細，細猶當愛

之。况大者乎。立身行道自然揚名于後世。光顯其親矣。

愛親者不敢惡於人，敬親者不敢慢於人，愛敬盡於

事親，而德教加於百姓，刑於四海，蓋天子之孝也。惡去

聲。○惡，慢於人。人亦惡慢之，則辱將及親。君行博愛廣敬之道，使人皆不惡慢其親，則德教加被天下。為

四夷所法則也。並經一章。

夫孝，天之經也，地之義也，民之行也。天地之經，而民

是則之，則天之明，因地之義，以順天下，是以其教不

肅而成，其政不嚴而治。夫音扶。行胡孟切。○經，常也。孝者天下自然之常道。民法

之以為行耳。明者推原其孝之出於人心，而得於天者。蓋法天明以為常。因地利以行義，順此以施教，不

待嚴肅而成理也。傳首章。○行義之行如字。

天地之性人為貴。人之行莫大於孝。孝莫大於嚴父。嚴父莫大於配天。行胡孟切。○人為萬物之靈。孝者百行之本。配天。謂宗祀以配上帝也。傳三章。

昔者明王事父孝。故事天明。事母孝。故事地察。長幼

順。故上下治。長上聲。○父事天。母事地。言能敬事宗廟。則事天地能明察也。使家之長幼順。

則知所以治國矣。

孝弟之至。通于神明。光于四海。無所不通。順長幼以及孝弟之

心。則鬼神歆而兆民歸其德矣。並傳九章。○長上聲。

論語子夏曰事父母能竭其力。學而

子曰。父母唯其疾之憂。言父母愛子。唯恐其有疾病。常以為憂。人子體此。則所以守其

身者不容不謹矣。為政篇

父母在不遠遊。遊必有方。遠遊則去親遠而為日久。定省曠而音問踈。遊必有

方。欲親必知己之所在而無憂。召己則必至而無失也。省悉井切。

父母之年不可不知也。一則以喜。一則以懼。知。猶記憶也。常

知父母之年。則既喜其壽。又懼其衰。而於愛日之誠。自有不能已者。並里仁篇

曾子曰。吾聞諸夫子。孟莊子之孝也。其他可能也。其不

改父之臣。與父之政。是難能也。孟莊子。魯大夫。名速。其父獻子有賢德。而

莊子能用其臣。守其政。故其他孝行雖有可稱。而皆不若此事之為難。子張篇。○行胡孟切。

中庸子曰。舜其大孝也歟。德為聖人。尊為天子。富有四海

之內。宗廟享之。子孫保之。子孫。謂虞思陳胡公之屬。第十七章

武王纘大王王季文王之緒壹戎衣而有天下身不  
失天下之顯名尊為天子富有四海之內宗廟享之  
子孫保之纘祖管切大音泰○纘繼也。大王。王季之  
父也。緒業也。戎衣。甲冑之屬。一戎衣。言一  
着戎衣以伐紂  
也。第十八章

武王周公其達孝矣乎。夫孝者善繼人之志善述人  
之事者也。夫音扶○達通也。武王纘大王王季文王  
之緒以有天下。周公成文武之德以追崇  
其先祖。此繼志  
述事之大者也。

踐其位行其禮。奏其樂。敬其所尊。愛其所親。事死如  
事生。事亡如事存。孝之至也。踐猶履也。其指先王也。  
所尊所親先王之祖考  
子孫臣庶也。始死謂之死。既葬則曰反而亡焉。  
皆指先王也。此繼志述事之意也。並第十九章

孟子曰。君子不以天下儉其親。送終之禮。所當得為而不  
而薄於吾親也。公孫丑  
篇○是為之為去聲

事孰為大事。親為大。  
孰不為事。事親事之本也。事親孝則忠可移於君。順  
治而天下  
平。長上聲

若曾子則可謂養志也。事親若曾子可也。養去聲○  
順父母之志。是以事親者當如曾子之養志。然人子  
所能為者皆所當為。故孟子止曰可也。豈以曾子之  
孝為有  
餘哉。

不得乎親。不可以為人。不順乎親。不可以為子。得者  
承順以得其懽心。順則有以諭之於道。為  
人。蓋泛言也。為子。則愈密矣。並離婁篇

大孝終身慕父母。五十而慕者，子於大舜見之矣。十五而慕，則其終身可知矣。

孝子之至，莫大乎尊親。尊親之至，莫大乎以天下養。為天子父，尊之至也。以天下養，養之至也。養去聲。言替瞽瞍。

為天子之父，則當享天下之養。此舜之所以尊親養親之至也。並萬章篇。

家語子曰：立身有義矣，而孝為本。立身以孝為本也。六本篇。

說苑孔子曰：賢子之事親，發言諫辭，應對不悖乎耳。趣走

進退容貌，不悖乎目。卑體賤身，不悖乎心。應去聲。趣與趨同。

父母怒之，不作於意，不見於色。深受其罪，使可哀憐。

上也。父母怒之，不作於意，不見於色，其次也。父母怒

之，作於意見於色下也。並建本篇見形句切。

揚子曰：父母子之天地歟。無天何生，無地何形。天縣象地載形。父受

氣。母化成也。縣音懸。

孝莫大於寧親，寧親莫大於寧神，寧神莫大於得四

表之懽心。寧安也。寧神者尊祖奉宗廟也。

孝子愛日。言養親之心。惟日不足也。並孝至篇。○養去聲。

唐韓愈曰：大孝莫高乎善繼。文集。

高郢曰：王者之孝在於承順天地，嚴配宗考，恭謹德教。

以臨兆民，俾四海之內，懽心助祭。唐書。

宋歐陽脩曰：守成念夫至艱，孝者先乎善繼。夫音扶。

凡子之事其親者盡其心焉耳。心貴正。正則不敢私其所私者。大孝之道也。並文集

司馬光曰。天子之孝。非若衆庶止於養親而已。蓋將慎守前人之業而傳於無窮。然後為孝也。養去聲

保基緒傳子孫孝之實也。

聖人之德無以加于孝。自天子至於庶人。莫不始於事親。終於立身。揚名於後世。誠為學所宜先也。

天子之孝在於得萬國之歡心以事其親。並傳家集

胡寅曰。處家庭不違乎孝。則子道得矣。致堂管見

胡宏曰。道非仁不立。孝者仁之基也。胡子知言

朱子曰。如欲為孝。則當知所以為孝之道。如何而為奉養之宜。如何而為溫清之節。莫不窮究而後能之。性理

羣書○養去聲

呂祖謙曰。愛其親者事親之孝。博議

真德秀曰。為人君。以光祖宗遺後嗣為孝。大學衍義

# 臣道

## 統言臣道

易曰。包荒用馮。河不遐遺。朋亡得尚于中行。馮音憑○泰之九二。以剛

居柔。在下之中。上有六五之應。主乎泰得中道者也。故能包容荒穢。而果斷剛決。不遺遐遠。而不昵朋也。



則合乎此文中之道矣。泰九二爻辭。應去聲。斷都玩切。昵尼質切。毗至切。

書舜曰。汝惟不矜。天下莫與汝爭能。汝惟不伐。天下莫與

汝爭功。此舜美禹之辭也。汝指禹而言。禹能不矜其能。不伐其功。然其功能之實。自有不可掩者。

虞書大禹謨

臣哉鄰哉鄰哉。臣哉。鄰左右輔弼也。臣以人言。鄰以職言也。以人言則有尊卑之分。以職言則當親我助我。乃盡為臣之道。故反覆歎咏。

以見臣職之重而不可忽也。虞書益稷。分去聲。

成王曰。凡我有官君子。欽乃攸司。慎乃出令。令出惟行。

弗惟反。以公滅私。民其允懷。凡我有官君子者。合尊卑大小而同訓之也。反者。今出不可行而壅逆之謂。言敬汝所主之職。謹汝所出之令。今出欲其行。不欲其壅逆而不行也。以天下之公理。滅一己之私情。則令行而民莫不敬信懷服矣。

者。今出不可行而壅逆之謂。言敬汝所主之職。謹汝所出之令。今出欲其行。不欲其壅逆而不行也。以天下之公理。滅一己之私情。則令行而民莫不敬信懷服矣。

學古入官。議事以制。政乃不迷。學古。學前代之法也。制。裁度也。迷。錯謬也。

度待洛切

功崇惟志。業廣惟勤。惟克果斷。乃罔後艱。斷。都玩切。功者。業之成也。業者。功之積也。崇其功者。存乎志。廣其業者。存乎勤。勤由志而生。志待勤而遂。雖有二者。當幾而不能果斷。則志與勤為虛用。而終蹈後艱矣。並周書周官。幾平聲。

無依勢作威。無倚法以削。寬而有制。從容以和。從。七恭切。勢。我所有也。法。我所用也。喜怒予奪毫髮不於人而於己。是私意也。非公理也。安能不作威以削乎。然寬不可一於寬。必寬而有其制。和不可一於和。必從容以和之。周書君陳。子音與。

康王曰。罔曰弗克。惟既厥心。罔曰民寡。惟慎厥事。無謂不能

而畏之。惟當盡其心。無謂民少而忽之。惟當敬其事。周書畢命。

而畏之。惟當盡其心。無謂民少而忽之。惟當敬其事。周書畢命。

詩曰樂只君子。民之父母。樂只君子。德音不已。樂音洛只音止。○君子指賓客也。此宴饗通用之樂。所以道達主人尊賓之意。此章專美其德也。小雅南山有臺篇。

申伯之德。柔惠且直。揉此萬邦。聞于四國。揉汝又切。申伯。宣王之元舅。周之大臣也。尹吉甫作詩誦申伯之德如此。言能脩己以治國家也。大雅崧高篇。

仲山甫之德。柔嘉維則。令儀令色。小心翼翼。古訓是

式。威儀是力。天子是若。明命使賦。嘉美。令善。儀威儀也。色顏色也。翼翼恭敬貌。古訓先王之遺典也。式法。力勉。若順賦。布也。蓋備舉仲山甫之德也。大雅烝民篇。

濟濟多士。克廣德心。濟子禮切。德心善意也。魯頌泮水篇。

春秋十有二月。祭伯來。祭助邁切。胡安國曰。祭伯。畿內諸侯。為王卿士。未朝于魯。直書曰。

來。不與其朝也。人臣義無私交。大夫非君命不越境。所以然者。杜朋黨之原。為後世事君而有二心者之明戒也。隱公九年。朝音潮。為如字。

左氏傳。晉范文子曰。仁以接事。信以守之。忠以成之。敏以行之。事雖大必濟。應事接物。以仁為主。信不可易。忠無所偏。敏無不達。有此四德。必能成大事矣。成公九年。○應去聲。

晉卻至曰。人所以立信。知勇也。信不叛君。知不害民。勇不作亂。知去聲。○人立於天地間。有誠信者。不忍叛君。有知謀者。不敢害民。有武勇者。不敢作亂。

成公十八年。衛北宮文子曰。臣有臣之威儀。其下畏而愛之。故能守其官職。保族宜家。盡臣道。故有臣之威儀。為其下者畏其威而愛之。故能保守官職。全

其官職。保族宜家。

其官職。保族宜家。

其官職。保族宜家。

其官職。保族宜家。

其官職。保族宜家。

其官職。保族宜家。

其官職。保族宜家。

其官職。保族宜家。

宗族。利家室矣。  
襄公三十一年

齊晏平仲曰。在禮家施不及國。民不遷。農不移。工商不

變。士不濫。官不滔。大夫不收。公利。施去聲。滔他刀切。在禮。在先王之

禮也。謂大夫之家。所施恩澤。不得及於國人也。四民不得遷其業。農主稼穡。工治器用。賈主懋遷。士不失其職。官不滔慢。大夫不敢作福。以收人心也。昭公二十六年。賈音古。

禮記曲禮曰。凡為君使者。已受命。君言不宿於家。使去聲。急君

使也。言謂有故所問也。

郊特牲曰。為人臣者。無外交。不敢貳君也。私覲是外交也。

祭統曰。是故君子之事君也。必身行之。所不安於上。則

不以使下。所惡於下。則不以事上。惡去聲。以己之心。度人之心。即大

學絜矩之道。如此而後能盡其道也。度徒洛切。絜善屑切。

子曰。下之事上也。雖有庇民之大德。不敢有君民之心。

仁之厚也。是故恭儉以求後。仁信讓以求後。禮不自

尚其事。不自尊其身。儉於位而寡於欲。讓於賢。卑已

而尊人。小心而畏義。求以事君。得之自是。不得自是。

以聽天命。庇覆也。役之為言為也。求以事君者。欲求其忠臣之名。言不易道。以微利祿也。覆敷

救切。微堅亮切。

事君難進而易退。則位有序。易進而難退。則亂也。故

君子三揖而進。一辭而退。以遠亂也。易以豉切。遠去聲。亂謂賢否

不別也。別必列切。

事君慎始而敬終

輕交易絕。君子所耻也。並表記。○易以致切。

下之事上也。身不正。言不信。則義不一。行無類也。

孟切。○類。謂比式。或善或否也。繡衣。

孝經孔子曰。以孝事君則忠。以敬事長則順。忠順不失。以

事其上。然後能保其祿位。而守其祭祀。

長上聲。○能盡忠順以事。

君長。則常安祿位。永守祭祀矣。經一章。

君子事上進思盡忠。退思補過。將順其美。匡救其惡。

故上下能相親也。

於君則思盡忠。有過則思補益。將助也。有美則順而成之。救止也。有

惡則正而救之。君臣同德。故能相親。傳十三章。

論語子謂子產有君子之道四焉。其行己也恭。其事上也

敬。其養民也惠。其使民也義。

子產。鄭大夫公孫僑。恭。謙遜也。敬。謹恪也。惠。愛

利也。使民義。如都鄙有章。上下有服。田有封洫。廬井有伍之類。公治長篇。

子曰。所謂大臣者。以道事君。

以道事君者。不從君之欲也。先進篇。

苟正其身矣。於從政乎。何有。不能正其身。如正人何。

行己有耻。使於四方。不辱君命。可謂士矣。

使去聲。○言為使之

難。不獨貴於能言而已。並于路篇。

事君敬其事。而後其食。

後。與後獲之後同。食。祿也。君子之仕也。有官守者。脩其職。

有言責者。盡其忠。皆所以敬吾之事而已。不可先有求祿之心也。衛靈公篇。

子夏曰。君子信而後勞其民。未信則以為厲已也。信而

後諫。未信則以為謗已也。

信。謂誠意惻怛而人信之也。厲。猶病也。蓋事上使下。

皆以誠意交孚而後  
可以有為。子張篇

孟子曰我非堯舜之道不敢以陳於王前。公孫丑篇

古之人脩其天爵而人爵從之。今之人脩其天爵以

要人爵。既得人爵而棄其天爵。則惑之甚者也。終亦

必亡而已矣。要平聲。脩天爵而人爵從之。蓋不求

已惑矣。得人爵而棄天爵。則惑又甚焉。終必并其所得人爵而亡之也。古子篇

古之人得志澤加於民。不得志脩身見於世。窮則獨

善其身。達則兼善天下。見形句切。見謂名實之顯著也。

有事君人者。事是君則為容悅者也。有安社稷臣者

以安社稷為悅者也。有天民者。達可行於天下而後

行之者也。有大人者。正己而物正者也。阿徇以為容達迎以為悅。

鄙夫之事也。大臣之計安社稷。如小人之務悅其君。春眷而不忘也。民者無位之稱。以其全盡天理。故謂

之天民。必道可行而行之。不小用以徇人也。大人則德盛而上下化之者也。並盡心篇

家語曰治官莫若平。臨財莫如廉。廉平之守不可改也。公

也。廉。清也。廉平之道。固守之不可改也。辨正篇

國語晉趙宣子曰吾聞事君者比而不黨。夫周以舉義比

也。舉以其私黨也。比毗至切。夫音扶

晉箕鄭曰信於君心。則美惡不踰。信於名。則上下不干。

信於令。則時無廢功。信於事。則民從善有業。

荀子曰君子寬而不慢。廉而不剋。剋始衛切。廉。稜也。剋利傷也。但有廉隅。不至

於利傷也。  
不苟篇

上則能尊君下則能愛民政令教化形下如景景與影同

○形。制也。言施政令教化以制其下。如影之隨形。不違越也。臣道篇

說苑曰。人臣之公。治官事則不營私家。在公門則不言貨

利。當公法則不阿親戚。奉公舉賢則不避仇讐。忠於

事君。仁於利下。推之以恕道。行之以不黨。至公篇

虞丘子曰。奉國法而不黨。施刑戮而不骫。可謂公平。指武

篇○骫於詭切

趙肥義曰。貞臣也難至而節見。忠臣也累至而行明。真西山讀

書記○難去聲行胡孟切

漢賈山曰。古者大臣不得與宴游。使皆務其方以高其節。

則羣臣莫敢不正身脩行以稱大禮。與行稱並去聲

賈誼曰。為人臣者皆顧行而忘利。守節而仗義。故可以

託不御之權。可以寄六尺之孤。並通鑑綱目○行胡孟切

蓋寬饒曰。山有猛獸。藜藿為之不采。國有忠臣。姦邪為

之不起。通鑑綱目

吳陸抗曰。人臣之節。匪躬是徇。吳志

唐韓愈曰。臣者行君之令而致之民者也。

百官者承君之化者也。任有小大。惟其所能。

入則諫其君。出則不使人知者。大臣宰相之事。並文集○

相去聲

柳宗元曰執忠與敬臣道畢矣。文集

柳玘曰。准官則潔已省事而後可以言守法。戒子通錄

宋張詠曰事君者廉不言貧勤不言苦忠不言已効公不

言已能。言行錄

范仲淹曰士當先天下之憂而憂後天下之樂而樂。樂音洛

居廟堂之高則憂其民處江湖之遠則憂其君。並宋文鑑

○處上聲

歐陽脩曰所謂大臣者必能宣布上德叶和中外使人

心悅豫朝政肅清。朝音湖

高秩厚祿人臣所願必也處之無愧然後得以為榮。

並文集處上聲

范祖禹曰人臣以難事責於君使其君為堯舜之君者

尊君之大也。開陳善道以禁閉其君之邪心唯恐其

君或陷于有過之地者敬君之至也。大學衍義

司馬光曰凡人臣者上以事君中以利國下以養民釋

此三者非人臣也。文集

蘇軾曰以義正君而無害于國可謂大臣矣。

蘇轍曰輔君之善而補其不足此誠大臣之事。並文集

程子曰。一命之士。苟存心於愛物於人。何所不濟。

直己守道所以濟時。枉道徇人。徒為失己。並近思錄

為臣之道。當使恩威一出於上。衆心皆隨於君。若人

心從己。危疑之道也。真西山讀書記

胡安國曰。臣之事君。猶子之事父。以忠信為本。

賈昌朝曰。仕官之法。清廉為最。聽訟務在詳審。用法必

求寬恕。並戒子通錄朝音潮

呂居仁曰。當官之法。唯有三事。曰清。曰慎。曰勤。知此三

者。則知所以持身矣。知此三者。可以保祿位。可以遠

耻辱。可以得上之知。可以得下之援矣。董蒙訓。去聲。援音院

胡寅曰。臣之事君。以行安民之術也。

大臣欲正君心。必先正其心。其心不正。如正君何。

臣之事君。格其非心。褊狹者宜廓以寬弘。急促者宜

道以紆緩。並通鑑綱目。補典切。挾胡夾切。編

胡宏曰。守身以仁。以守身之道。正其君者。大臣也。胡子知言

張浚曰。事君者。必此心純一。而後能有感格。明善錄

黃龜年曰。一言而盡事君之道。曰忠。罪莫大於欺君。一

言而盡輔政之道。曰公。罪莫大於私己。言行錄

朱子曰。欲圖大者。當謹於微。欲正人主之心術。未有不

以嚴恭寅畏為先務。聲色貨利為至戒。



誠以天下之事為己任。則當自格君心之非始。欲格君心。則當自身始。

士大夫出身事主。上則使其君為堯舜之君。下則使其民為堯舜之民。

守官只要律已公廉。執事勤謹。晝夜孜孜。如臨淵谷。

並文集

張敬夫曰。後世道學不明。論至道者。不過及於人才政事而已。孰知其本在於君心。而孰知格君之本。乃在於吾身乎。心學

呂祖謙曰。進諫之道。使人君畏吾之言。不若使人君信

吾之言。使人君信吾之言。不若使人君樂吾之言。樂音

洛

人臣之憂在於諫之未善。不在於君之未從。並博議

大抵講論治道。不當言主意難移。當思臣道未盡。不

當言邪學難勝。當思正學未明。心學

陸子靜曰。共其職。勤其事。心乎國。心乎民。而不為身計。

其得不謂之君子乎。言行錄  
共平聲

真德秀曰。臣之事君。以恭為本。然必忠誠不二。然後可

貴。大學  
行義

劉靜春曰。人臣事君。股肱心腹。無有二事。故居中則格

其非心。用賢人。行善政。在外則安邊陲。固基本。選士而進之。用心一也。心學 音垂

心學曰。人臣之心與君一。然後能事君。

人臣心明則定。心昏則亂。心定則事無不定。心亂則事無不亂。內外大小之臣。同心同德。共理機務。可不勞而天下治矣。

人臣事君如事天。人臣無一日不在上天覆燾之中。亦無一日不在人君臨御之下。此心凜然惕然不敢有一時之不敬也。覆救切 惕徒歷切

忠

易曰。納約自牖。牖通明處也。人心有所蔽。有所通。人臣進結於君之道。當就其明處而告之。求信則

易也。坎爻辭。易以致切。

王臣蹇蹇匪躬之故。柔順中正。上應乎五。志在乎國。捐軀委質。匪為我躬之故也。為

君故也。蹇爻辭。應為並去聲。

論語。子夏曰。事君能致其身。致猶委也。委致其身。謂不有其身也。學而篇。

子曰。臣事君以忠。事君不患其無禮。患忠之不足。八佾篇。

家語曰。忠臣之諫君有五義焉。一曰諂諫。二曰戇諫。三曰

降諫。四曰直諫。五曰諷諫。惟度主以行之。諂居月切。戇陟降切。

度達各切。諂諫正其事以諫其君。戇諫無文飾也。降諫早降其體以諫之也。直諫以直道而諫。諷諫借

他事引援而諫也。度主以行。惟在審度其君意而後行之。辨政篇。

忠臣不作姦以陷君。忠臣不開姦盜之端以陷害其君。曲禮子夏問篇。

荀子曰。以德復君而化之。大忠也。以德調君而補之。次忠

也。復。報也。以德行之事報白於君。使自化於善也。調。謂匡救其惡也。臣道篇。行胡孟切。

說苑蘇從曰。處君之高爵。食君之厚祿。愛其死而不諫其

君。則非忠臣也。處上聲。

枚乘曰。忠臣不敢迴避。以直諫。故事無廢業。而功流於

後世也。並正諫篇。

楚申鳴曰。食其食者死其事。受其祿者畢其能。立節篇。

新序。王子比干曰。見過則諫。不用則死。忠之至也。節士篇。

莊善曰。事君內其祿。而外其身。義勇篇。

文中子曰。忠臣之事君也。盡忠補過。君失於上。則臣補於

下。臣諫於下。則君從於上。此王道所以不跌也。問易篇。

跌徒結切。

晉賈堅曰。與其屈辱而生。不若守節而死。

王濬曰。事君之道。苟利社稷。死生以之。若顧嫌避咎。此

人臣不忠之利。非明主社稷之福。並通鑑綱目。

唐陸贄曰。承問而對。臣之職也。寫誠無隱。臣之忠也。奏議。

柳宗元曰。古者居其位。思死其官。文集。

宋歐陽脩曰。士不忘身。不為忠。言不逆耳。不為諫。

不避雷霆之威。不畏權臣之禍。此乃至忠之臣也。

人臣之能盡忠者不敢避難言之事。並文集

司馬光曰。忠臣憂公如家。見危致命。

身為宰相。知其君之過。不以告。而私語于家。非忠臣也。相去聲

為人臣者。策名委質。有死無二。

忠臣之事君也。責其所難。則其易者不勞而正。補其所短。則其長者不勸而遂。並通鑑綱目。易以鼓切

若忠於國家而死。死之榮也。

報國之忠。莫如薦士。負國之罪。莫如救賢。

忠臣之志。莫先於疾邪。並文集

程子曰。有剪桐葉之戲。則隨事箴規。違養生之戒。則即

時諫止。程氏遺書

蘇軾曰。人臣執法而不求情。盡心而不求名。出死力以

捍社稷。使天下之心繫於一人而已。不與焉。文集。與去聲

岳飛曰。荷國厚恩。當以忠義報國。立功名。書竹帛。死且

不朽。言行錄。荷去聲

胡銓曰。臣事君。猶子事父。知無不言。於君有隱。則於父

亦有隱也。非忠孝也。言行錄

呂祖謙曰。忘其身者。事君之忠。博議

胡寅曰。忠愛其君者。必思納諸無過之地。而不計一身

之安危。通鑑綱目

陳公輔曰愛君憂國先義後利平居犯顏逆耳不計一身之利害緩急仗節死難不顧一家之存亡此忠也

言行錄難去聲

陳俊卿曰人臣以不欺為忠而論事必達於大體。文集

真德秀曰大臣以正理事君君之所行有不合正理者

必規之拂之不苟從也。拂薄容切

人臣之義以忠直為本。並大學衍義

心學曰君臣之間情意相通每事得盡誠言之然必使

善出于上已無與焉則為善矣。與去聲

勤

書武王曰越在外服侯甸男衛邦伯越在內服百僚庶尹

惟亞惟服宗工越百姓里居罔敢湏于酒不惟不敢

亦不暇惟助成王德顯越尹人祗辟。酒美辨切。在外服則有侯甸

男衛諸侯與其長伯在內服則有百僚庶尹惟亞惟服宗工國中百姓與夫里居者亦皆不敢沉湎于酒不惟不敢亦不暇不敢者有所畏不暇者有所勉惟欲上以助成君德而使之昭著下以助尹人祗辟而使之益不怠耳。周書酒誥。長上聲夫音扶。

成王命君陳曰惟日孜孜無敢逸豫。周書君陳

詩曰疊疊申伯王績之事于邑于謝南國是式。疊無匪切績祖管切

○疊疊勉強之貌。績繼也。使繼其先世之事也。邑國都之處也。謝在今鄧州。式使諸侯以為之法也。大雅

強上聲

既明且哲。以保其身。夙夜匪懈。以事一人。明。謂明於理。哲。謂察

於事。保身。順理。以守身也。懈。怠也。一人。天子也。大雅。烝民篇。

春秋左氏傳。鄭子產曰。政如農功。日夜思之。思其始而成

其終。朝夕而行之。行無越思。如農之有畔。其過鮮矣。

鮮上聲。○政之治民。如農之治田。日以繼夜。欲與利而除害。思始而成。終。朝夕勤以行之也。行無越思。不敢過於思也。為政次序。如農之有畔際。可以寡過矣。襄公二十五年。

### 廉

書穆王命伯冏曰。非人其吉。惟貨其吉。若特瘵厥官。瘵。始還切。

○言不惟其人之善。而惟以貨賄為善。則是曠厥官。周書冏命。

孟子曰。可以取。可以無取。取傷廉。先言可以者。畧見而自許之辭也。後言可以無

者。深察而自疑之辭也。離婁篇。

新序子罕曰。我以不貪為寶。

介子推曰。爭而得財。廉士不受也。並節士篇。

文中子曰。廉者常樂而無求。王道篇。樂音洛。

蜀王宗弁曰。廉者足而不憂。通鑑網目。

唐蘇瓌曰。清身檢下。無使邪隙微開。貨流於下矣。戒子通錄。○隙。

乞逆切。

宋歐陽脩曰。有所不足之謂廉。有所不為之謂耻。文集。

真德秀曰。儉者廉之本。廉者行之先。明善錄。○行。胡孟切。

心學曰為官以潔己奉公為先不可有一毫利己之心  
守得定無私欲心下自然舒泰。

謹

書成王曰居寵思危罔不惟畏弗畏入畏。居寵盛則思危辱當無所不致

其祗畏。苟不知祗畏。則入於可畏之中矣。周書周官

禮記子曰君子慎以避禍。君子戒謹焉。恭皆非有為而為之也。是言亦曉人知避困辱之

道耳。表記。有為之為去聲。下如字。

春秋左氏傳晉周子曰共而從君神之所福也。共與恭同。○恭敬事

君而從其命。鬼神之所祐也。成公十八年

論語子曰必也臨事而懼好謀而成者也。好去聲。○懼謂敬其事。成謂成

其謀。述而篇

荀子曰言有召禍也。行有召辱也。君子其慎所立乎。所立即所

謂學也。勸學篇

主尊貴之則恭敬而傳。主信愛之則謹慎而嘽。傳與摶同。

卑退也。嘽與歎同。不足也。言不敢自滿也。仲尼篇

謹慎利也。闔怒害也。故君子安禮樂利謹慎而無闔

怒是以百舉不過也。臣道篇樂音洛

凡流言流說流事流謀流譽流愬不官而衡至者君

子慎之。衡音橫去聲。○流者無根源之謂。愬諧也。不官謂無主首者。衡讀為橫。橫至。橫逆而至也。

致仕篇

說苑曾子曰官怠於官成病加於小愈禍生於懈惰孝衰  
於妻子察此四者慎終如始正諫篇

宋蘇軾曰慎重則必成輕發則多敗文集

心學曰凡事不可以易視之事雖小亦要用心關防處

置凡事要敬不可有忽心亦不可有怠心處事要合

人心順天道易以致切處去聲

聖學心法卷四



臺灣國家圖書館, NATIONAL CENTRAL LIBRARY, TAIWAN, R.O.C.